



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1611. usque ad annum 1617

Fleury, Claude

August. Vind. [u.a.], 1777

VD18 90118898

§. 54. Lutheri Secta a Brandenburgico Electore cum Calvinismo
commutata.

[urn:nbn:de:hbz:466:1-67313](https://nbn-resolving.org/urn:nbn:de:hbz:466:1-67313)

Sæc. XVII. „quentes severissimam pœnam incur-
 „A. C. 1614. „rant. Dispensationes in causis matri-
 „monialibus omnes impofterum cessent,
 „& matrimonia de jure prohibita seu il-
 „licita sub severissima pœna vitentur.
 „Ad extremum præcipio etiam, ut pro
 „vitando scandalo, & in eorum, qui
 „capiendis & vendendis piscibus ope-
 „ram dare solent, gratiam, a carnibus
 „in conviviis & diversoriis publicis, Ve-
 „neris, Saturni & aliis interdictis sive
 „abstinentiæ Catholicæ diebus, omnes
 „abstineant. „

§. LIV.

*Lutheri Secta a Brandenburgico Ele-
 ctore cum Calvinismo commutata.*

*Merc. Gall.
 l. 2. tom. 10.*

Hoc item anno Joannes Sigismun-
 dus Brandenburgicus Elector longe
 aliam, diversamque Sacrorum muta-
 tionem, ac sectæ nundinationem inti-
 tuit, dum magnam partem gentis illius,
 quæ vetustis Wandalis oriunda Mar-
 chiam hodie Brandenburgicam tenet, a
 Lutheri ad Calvini sectam suo exemplo ac
 mandato compulit, ea permotus ratione,
 quod quam longissime a Catholicorum cultu
 recederet; hæc vero Principis sui intem-
 peries subditorum, qui Lutheri adin-
 ventis assueverant, animos tantopere
 exulcerabat, ut Berolini ferme ad se-
 ditionem

*Chwer. epi-
 tom. ad hunc
 ann. pag.
 772.*

ditionem res spectare videretur, ad hanc Sæc. XVII.
 ritus Lutherani immutationem, tum- A. C. 1614.
 ultuante plebe, ac Calvinistarum præ-
 conum ædes spoliante. Haud pacatio-
 res erant utriusque Sectæ Præcones,
 qui inter se ipsos calamo & ore sævie-
 bant, atque alius alium de Templorum
 pulpitis rabularum more contumeliosis
 declamationibus tanta populi offensione
 proscindebant, ut Elector hosce Pastor-
 culos, quatenus a jurgiis, & ejusmodi
 contentionibus abstineant, promulgato
 edicto monere compelleretur: „His al-
 „tercationibus, inquiebat Elector, qui-
 „bus aliqui in alias Ecclesias, quibus
 „ipsi tamen iudices nunquam dati fue-
 „runt, mordacibus verbis pro concione
 „invehuntur, easque modis omnibus
 „calumniantur, reprehendunt, exe-
 „crantur, & condemnant, modum ali-
 „quem statuere, nostrarum partium est.
 „Idem fecerunt anno Christi millesimo
 „quingentesimo sexagesimo secundo
 „Brunsvicenses & Luneburgenses Du-
 „ces, & quarto post anno Augustus Sa-
 „xonix Elector, & novissime ante tra-
 „decim annos Joannes Lignitsensis. Id
 „quoque suadet transactio cum Luthe-
 „ranis Principibus facta. Exin autem
 „facile omnes æstimare possunt, quam
 „sæpe animo commotus fuerim, quod
 „longo hæctenus tempore multos in meo
 „Ele-

Sæc. XVII. „Electōratu (& quidem tales, qui am-
 „A. C. 1614. „bitione potius, quam zelo pietatis du-
 „cti, nec minimum, si in arenam des-
 „cendere cogentur, præstare, vel si
 „lucri aliquantulum facere possent, ad
 „Pontificios facile transfirent) gloriam
 „apud homines magis quam apud Deum
 „captando, imprecationibus, crimina-
 „tionibus, calumniis, diris, obtrecta-
 „tionibus, execrationibus, & id genus
 „vociferationibus aliis templa, & pul-
 „pita omnia complere audierim, verum
 „falsumve & loco tam sacro conveniens
 „indecentisve an proferrent, attenden-
 „tes minime, dummodo Christianos
 „alios urerent, morderent, satisfacerent
 „affectibus, bilem profunderent, &
 „communibus nostris hostibus Jesuitis,
 „Pontificiisque aliis risum moverent,
 „ansamque calumniandi præberent.

„Sacra certe Scriptura non vult, ut
 „qui in fundamento Religionis, scilicet
 „solis Christi meritis conveniunt, ex
 „Christiana Ecclesia excludantur. Nec
 „etiam vult, ut quod controversum est,
 „criminationibus & calumniis (quod
 „Diaboli proprium est,) vel conjectu-
 „ris, & falsis allegationibus, sed verbo
 „Dei confutetur. Inde apparet, quam
 „longe importuni isti vociferatores a
 „vero tramite aberrant. Constituo igitur
 „tur & præcipio, ut omnes Ministri
 ver-

„Verbum Dei ex Augustana Confessio- Sæc. XVII.
 „ne *emendata*, ejusque apologia, in- A. C. 1614.
 „termis omnibus otiosorum, & am-
 „bitiosorum Theologorum primatum
 „Ecclesiæ & brachium sæculare affec-
 „tantium interpretationibus, in Tem-
 „plis proponant, atque criminationi-
 „bus aliarum Ecclesiarum prorsus absti-
 „neant: quicumque autem contra man-
 „datum hoc deliquerint, verbis pri-
 „mum, postea Ministerii amotione, aliis-
 „que pœnis mulctabuntur: si qui au-
 „tem conscientis suis frœnum hoc e-
 „dicto injici putaverint, nullatenus ob-
 „sto, *quo minus ministerio suo se abdi-*
 „cent, *Et impetrata venia ex Electo-*
 „ratu meo discedant, seque ad ea loca
 „conferant, ubi ipsis scævire *Et Christia-*
 „nos alios convitiis proscindere, *Et con-*
 „demnare licuerit: Si autem huic man-
 „dato obtemperantes ab aliis scripto
 „vel ex suggestu infamia aliqua affician-
 „tur, aut ad certamen provocentur,
 „absque meo consensu in arenam non
 „descendant, sed ejusmodi vociferatio-
 „nes contemnant.„ Hæc fuit summa
 „celebris illius edicti, in quo plane mul-
 „ta occurrunt, quæ Catholicorum crisi
 „relinquimus.

§. LV.